



REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

Nr. 2538 prot.

Fushë-Arrëz, më 25.08.2025

PROCESVERBAL I DËGJESËS PUBLIKE

**MBI DRAFTIN E PLANIT LOKAL TË MENAXHIMIT TË INTEGRUAR TË
MBETJEVE TË NGURTA URBANE NË BASHKINË FUSHË-ARRËZ 2025-2030
(Zbardhur, më 25.08.2025)**

I mbajtur sot, më 21.08.2025.

Vendi: Në sallën e mbledhjeve të Këshillit Bashkiak.

Ora: 11:00

Në takim marrin pjesë:

Mikel Qafa, Zëvendëskryetar Bashkie;

Pashk Prendi, Drejtor në Drejtorinë e Shërbimeve Publike;

Albina Prenga, Specialiste e IT në bashki;

Naze Selimaj, Sekretare e Këshillit Bashkiak Fushë-Arrëz.

Të pranishëm në këtë konsultë janë këshilltarë të Këshillit Bashkiak, përfaqësues të administratës së bashkisë, institucioneve vendore, shoqërisë civile, grupe interesi dhe banorë të bashkisë.



Naze Selimaj, Sekretare e Këshillit Bashkiak Fushë-Arrëz, përshëndet dhe falenderon të pranishmit në takim si dhe bën prezantimin e ekipit të bashkisë dhe të temës së diskutimit të dëgjësës publike mbi “Draftin e Planit Lokal të Menaxhimit të Integruar të Mbetjeve të Ngurta Urbane në Bashkinë Fushë-Arrëz 2025-2030”.

Fjalën hapëse e mbajti **Mikel Qafa**, Zëvendëskryetar Bashkisë:

Të nderuar qytetarë, përfaqësues të institucioneve dhe shoqërisë civile!

Është kënaqësi të jemi sot së bashku për të prezantuar dhe diskutuar draftin e Planit për Menaxhimin e Integruar të Mbetjeve Urbane për periudhën 2025–2030. Ky dokument strategjik është një nga angazhimet tona kryesore për të garantuar një qytet më të pastër, më të shëndetshëm dhe më të qëndrueshëm.

Menaxhimi i mbetjeve është një sfidë e përbashkët që prek cilësinë e jetës sonë të përditshme. Ky plan synon të krijojë një sistem modern, efikas dhe miqësor me mjedisin, duke kombinuar parandalimin, riciklimin, ripërdorimin dhe trajtimin e mbetjeve me praktikën më të mira bashkëkohore. Ai përfshin objektiva të qarta për reduktimin e mbetjeve që përfundojnë në landfill, rritjen e ndarjes në burim, zgjerimin e bashkëpunimit me sektorin privat dhe rritjen e ndërgjegjësimit qytetar.

Ky dokument nuk është produkt vetëm i administratës së bashkisë. Ai është rezultat i një procesi konsultimi dhe analize, dhe dëgjesa e sotme ka rëndësi të veçantë, sepse zëri i qytetarëve është thelbësor për ta bërë atë sa më realist dhe të zbatueshëm. Vetëm përmes pjesëmarrjes suaj aktive, ne mund të kemi një plan që reflekton nevojat dhe pritshmëritë e komunitetit.

Jam i bindur se me bashkëpunim, transparencë dhe përkushtim, ky plan do të shndërrohet në një mjet të fuqishëm për ta bërë bashkinë tonë shembull në menaxhimin e mbetjeve urbane në nivel kombëtar.

Ju falënderoj për praninë dhe kontributin tuaj në këtë proces kaq të rëndësishëm!

Në vazhdim fjalën e merr, **Pashk Prendi**, Drejtor në Drejtorinë e Shërbimeve Publike:



Faleminderit dhe mirë se keni ardhë në këtë dëgjese konsultative ku pjesëmarrja tregon se interesi juaj dhe padyshim besimi ndaj sektorëve të pushtetit vendor po vjen duke u rritur. Jemi këtu për të dëgjuar zërin tuaj me vëmendje dhe për të marrë mendimet dhe rekomandimet tuaja lidhur draftin e e Planit Lokal të Menaxhimit të Integruar të Mbetjeve të Ngurta Urbane në Bashkinë Fushë-Arrëz 2025-2030

Pashk Prendi, Drejtor në Drejtorinë e Shërbimeve Publike: Planit Lokal të Menaxhimit të Integruar të Mbetjeve të Ngurta Urbane në Bashkinë Fushë-Arrëz i Bashkisë Fushë-Arrëz për periudhën 2025–2030 është ndërtuar mbi një vizion të qartë për ndërtimin e një bashkie gjithëpërfshirëse dhe të qëndrueshme, ku çdo qytetar ka mundësi të barabarta për të jetuar me dinjitet dhe për të qenë pjesë aktive e zhvillimit komunitar.

Plani i menaxhimit të integruar të mbetjeve është një document planifikimi strategjik i cili mundëson zbatimin e politikave kombëtare të mbetjeve në nivel local është një dokument udhëzues i rëndësishëm për menaxhimin e mbetjeve. Ky plan është i orientuar në veprime konkrete dhe të detajuara në lidhje me sistemin e grumbullimit, transportit, trajtimit, riciklimit, trajtimit final dhe impakteve respektive të trajtimit të mbetjeve.

Qellimi i hartimit të këtij plani konsiston në sfidën e re që ka bashkia për të afruar shërbimin e menaxhimit të mbetjeve në të gjithë territorin e saj, duke optimizuar koston e shërbimit kundrejt buxheteve të limituara që ka bashkia si dhe në afrimin e nevojave për investime kapitale për sektorin e menaxhimit të mbetjeve ku në qendër të vëmendjes është përcaktimi i metodologjisë, zbatimi i sistemit të monitorimit si dhe ngritja e kapaciteteve brenda bashkisë.

Ky plan menaxhimi është hartuar në përputhshmëri me dokumentin e politikave Strategjike dhe Planin Kombëtar të Menaxhimit të Integruar të Mbetjeve dhe objektivat e saj, duke kontribuar në zbatimin e politikave kombëtare dhe arritjen e objektivave kombëtare në fushën e mbetjeve.

Ky plan menaxhimi mbështetet në VKM nr. 418, datë 27.05.2020, Dokumentin e Politikave Strategjike dhe Planin Kombëtar për Menaxhimin e Integruar të Mbetjeve 2025-2030, Ky dokument strategjik do t'i mundësojë Njësive të Qeverisjes Vendore një mjet mjaft frytdhënës për t'i udhëhequr ata në mënyrë të duhur për hartimin e planeve të tyre lokale për menaxhimin e integruar të mbeturinave, duke u bazuar në 4 qëllime strategjike për periudhën 2025-203

Bashkia Fushë Arrëz, është bashkia me numrin më të vogël të poullsisë në territorin e Qarkut Shkodër, ku sipas të dhënave të Regjistrit të Gjendjes civile është 10 535 banorë, me 3.868 familje në 2,264 banesa, me një densitet prej 20.1 banorë/km². Ndërkohë të dhënat e deklaruara nga CENSUS 2023 japin një numër më të vogël të popullsisë prej 7,405 banorësh me një densitet prej 13.7 banorë/km².

Bashkia Fushë Arrëz përbëhet nga 5 Njësi Administrative, ku qendra e bashkisë është ajo e qytetit të Fushë Arrëzit.

Shërbimi i menaxhimit të mbetjeve në Bashkinë Fushë Arrëz ofrohet nga vetë Bashkia, vetëm në dy Njësi Administrative: NJA Fushë-Arrëz dhe NJA Qafë Mali.

Bashkia Fushë-Arrëz e kryen vetë shërbimin e grumbullimit dhe transportit të mbetjeve vetëm në dy NJA: Fushë-Arrëz dhe Qafë Mali, ku 51.8 % të popullatës ose 30% e territorit merr shërbim.

Në lidhje me infrastrukturën e ofrimit të shërbimit, Bashkia Fushë Arrëz ka në pronësi 97 kontenierë 1.1m³ të shpërndarë në dy Njësitë Administrative, ku ajo aktualisht ofron shërbimin e grumbullimit dhe transportit të mbetjeve.

Në financat vendore në Shqipëri, në përgjithësi shpenzimet operative të shërbimit të menaxhimit të mbetjeve janë planifikuar dhe realizuar vazhdimisht së bashku me shërbimet e tjera publike vendore, dhe veçanërisht të bashkuara me shpenzimet për pastrimin dhe gjelbërimin dhe shërbime të tjera publike. Në Bashkinë Fushë Arrëz është gjetur pikërisht kjo praktikë. Për rrjedhojë, buxheti i veçuar i këtij shërbimi është i përafëruar.

Në këtë bashki kosto e plotë e këtij shërbimi është e përbërë nga zërat më poshtë të vlerësuar në përqindje:

Bashkia ka një databazë të pjesshme për klientët që përfshinë një pjesë të familjeve dhe kryesisht bizneset. Mungesa e një databaze të plotë për subjektet familjare është shkak kryesor për mos faturimin e tyre. Detyrimi vjetor u ngarkohet familjeve përgjithësisht nëpërmjet Zyrës së Gjendjes Civile, kur banorët paraqiten për të marrë një shërbim administrativ. Tarifa e shërbimit të menaxhimit të mbetjeve u faturohet rregullisht bizneseve dhe institucioneve 1 herë në vit.

Tarifa mbledhet nga bashkia nëpërmjet sporteleve pranë zyrave të bashkisë qendër ose nëpërmjet bankës; bizneset dhe institucionet derdhin tarifën kryesisht nëpërmjet bankës.

Vizioni i planit lokal të menaxhimit të mbetjeve të Bashkisë Fushë Arrëz mori formë si një proces i analizimit të situatës aktuale, diskutimit dhe konsultimeve me palët e interesuara të përfshira drejtpërdrejtë në përgatitjen e planit (Grupi i Punës dhe Kryetari Bashkisë). Në fund, duke iu referuar statusit aktual të menaxhimit të mbetjeve si dhe pritshmërive për zhvillimin e këtij sektori, vlerave dhe normave qytetare, nevojës për ndryshim, u ra dakord që vizioni i bashkisë të jetë: “Bashkia e Fushë Arrëzit një zonë me mjedis të pastër që ofron shërbime efikase për rritjen e cilësisë së jetës për qytetarët drejt një zhvillimi të qëndrueshëm”

Në Dokumentin e Politikave Strategjike dhe Planit Planit Kombëtar për menaxhimin e Integruar të Mbetjeve (Miratuar Maj 2020) është prezantuar një metodologji mbi bazën e prioriteteve të bashkisë për menaxhimin e mbetjeve, për të përcaktuar se cili do të konsiderohet standardi minimal, i prezantuar në ligjin e veteqeverisjet vendore (2015) për shërbimin e menaxhimit të mbetjeve. Kjo metodologji propozon 4 hapa në shkallë, duke filluar nga më baziku deri tek ai më optimali, të cilët përcaktojnë standardin minimal të ofrimit të shërbimit:

- Mbulimi i 100% të territorit urban me shërbimin e grumbullimit dhe transportit të mbetjeve
- Depozitimi i mbetjeve në një vend depozitim të kontrolluar të pajisur me lejen përkatëse nga AKM-ja apo në një impiant inxhinierik

- Mbulimi i 90% të territorit rural të bashkisë me shërbimin e grumbullimit dhe transportit të mbetjeve
- Ndarja në burim e mbetjeve dhe rikuperimi i energjisë

Në përcaktimin e objektivave të planit 5 vjeçar, gjatë konsultimeve me bashkinë, u ra dakord që objektivat do të përcaktohen mbi bazën e vlerësimit të performancës së shërbimit sipas indikatorëve, duke synuar hartimin e skenarëve për të përmbushur standardin minimal të ofrimit të shërbimit.

Dokumenti i Politikave Strategjike dhe Plani Kombëtar i Menaxhimit të Integruar të Mbetjeve (2020) ka përcaktuar disa indikatorë në lidhje me sasinë e mbetjeve që duhet të riciklohen, kompostohen sipas afateve kohore deri në vitin 2035.

Brenda vitit 2030, sasia e mbetjeve që shkojnë në Lendfill do të jetë 45% e sasisë së mbetjeve që prodhohet, dhe pjesa tjetër duhet të shkojë për riciklim, kompostim apo për rekuperim me energji.

Pavarësisht mungesës së eksperiencës së autoriteteve lokale dhe operatorëve të mbetjeve si dhe vetë komunitetit për të ndarë mbetjet, Bashkia ka shprehur interesin e saj se fillimi i skemave të ndarjes së mbetjeve në burim, është një objektiv, të cilin ajo e vlerëson si të rëndësishëm për 5 vjeçarin e ardhshëm të zbatimit të planit.

I gjithë sistemi i ndarjes përbëhet nga dy komponentë: sistemi parësor i ndarjes dhe sistemi dytësor i ndarjes.

- Sistemi parësor i ndarjes: Njihet gjerësisht si ndarja në burim dhe jep rezultatin më të mirë të ndarjes. Ndarja në burim i referohet ndarjes së materialeve të riciklueshme dhe të ripërdorshme në pikën e prodhimit të tyre.
- Sistemi dytësor i ndarjes, nënkupton ndarjen e tyre në PGM publike të grumbullimit të tyre.

Sistemi parësor – Skema e ndarjes individuale: Sistemi i mbledhjes individuale nga familjet dhe bizneset përbën bazën për ngritjen e sistemit të ndarjes së mbetjeve. Duhet theksuar se sistemi i ndarjes në burim duket më i preferueshëm sesa sistemi i ndarjes së mbetjeve në rrugë. Nga kjo pikëpamje, angazhimi i drejtpërdrejtë i pronarëve apo personave të kontaktit të bizneseve apo familjeve siguron më shumë ndërgjegjshmëri, efektivitet dhe mundësi financimi sesa sistemi i hapur mbi të cilin mbështetet skema e përbashkët.

Ndarja në burim mund të jetë më praktike dhe e efektshme për biznesin dhe industrinë, ku duhet të mundësohet shërbimi individual i grumbullimit të mbetjeve. Koshat për ndarjen e mbetjeve në burim mund të vendosen në çdo njësi të madhe biznesi apo institucion shtetëror, duke ndjekur të njëjtën teknologji si sistemi i mbledhjes individuale. Sistemi duhet të jetë sa më i thjeshtë duke synuar vetëm ato mbetje apo komponentë që mund të riciklohen. Për këtë arsye, sistemi me katër kontenierë të vegjël duket më i favorshëm se të tjerët. Kjo nënkupton caktimin e një kodi me ngjyra

për alternativën me katër kontenierë që konsumatorët ta kenë parasysh, kur vendosin të depozitojnë mbetjet aty.

Objektivat që parashikojmë që do të zbatohen nga plani i ri menaxhimit të mbetjeve periodha 2025-2030.

1. Do të riparojmë dhe lyejmë me bojë të gjithë kontenieret e demtuar të mbetjeve brenda vitit 2025
2. Do zhvillojmë fushata ndërgjegjëse për ndarjen e mbetjeve në burim me komunitetin, nxënësit e shkollave si dhe shoqërinë civile vazhdimisht.
3. Brenda vitit 2025 në një vendgrumbullim të mbetjeve në qytetin Fushë-Arrëz sipas një projekti do bëjmë të mundur që falë ndërgjegjsimit të njerëzve të bëjmë ndarjen e mbetjeve në burim. Për këtë do të sigurojmë infrastrukturën përkatëse. Ndarjen e plotë të mbetjeve në burim do ta realizojmë plotësisht për qytetin Fushë-Arrëz brenda vitit 2028.
4. Kemi bërë një punë të lavdërueshme me menaxhimin e mbetjeve në vendgrumbullimin e Krrabit duke i shtyre me fadrome mbetjet përpara dhe duke i mbuluar me shtrese dheu e inerte. Këtë punë do ta vazhdojmë dhe në vijim.
5. Do t'i japim jetë venddepozitimit të kthesa e Krrabit të paktën dhe për 5 vite, duke zbatuar një projekt bashkëkohor që ka të bëjë me mbylljen e këtij venddepozitimi.
6. Do vazhdojmë intensivisht të llojmë pranë të gjitha instancave qeveritare që të realizohet ashtu sic është premtuar ndërtimi i një landfilli për depozitimin e mbetjeve që do të shërbejë Bashkive Pukë dhe Fushë-Arrëz dhe flitet që do të ndërtohet në Rrapë.
7. Do afrojmë në të gjithë territorin e bashkisë shërbimin e grumbullimit të mbetjeve në qendër të çdo fshati duke vazhduar nga viti 2027 e në vijim.

Faleminderit!

Ardmir Doda, Drejtor në Drejtorinë e Administrimit të Pyjeve dhe Kullotave pranë Bashkisë Fushë-Arrëz, falenderon Sektorin e Menaxhimit të Mbetjeve dhe uron shumë suksese, ky është një plan strategjik dhe do të na shërbejë shumë. Mendoj të ndryshohet vendndodhja e mbetjeve. Duhet të planifikohet lobimi pranë BE.

Mikel Qafa, Zëvendëskryetar i Bashkisë: Do të mundësojmë një projekt pilot në qytet për ndarjen e mbetjeve në burim.

Entela Pepa: Të bëhet e mundur vendosja e koshave të mbetjeve anash rrugës kryesore të Kryeziut sepse është domosdoshmëri dhe të shtohet një punonjës shërbimi në Kryezi, Njësia Administrative Qafë-Mali.

Donika Marku, banore e qytetit: Të ndërrohen koshat e mbetjeve ku janë të vjetëruar me të rinj.

Vitore Prela, punonjëse e pastrimit gjelberimit: Të shtohet numri i koshave të mbetjeve.

Ylber Vocerri, banor: Disa kosha janë tejet të prishur, të zëvendësohen dhe të shtohen të tjera.

Mirela Memaj, punonjese e çerdhes se femijeve: Afer Çerdhes eshte heqë koshi i mbetjeve dhe gjithë mbeturinat po hidhen te ndertesa e pabanuar ngjitur Çerdhes, gjeni nje zgjidhje, eshte problematike per femijet.

Naze Selimaj, Sekretare e Këshillit Bashkiak Fushë-Arrëz:

Meqenëse nuk ka diskutime të mëtejshme dëgjesa mbyllet këtu duke ju falenderuar për përkushtimin dhe angazhimin tuaj!



Rekomandime të dala nga dëgjesa publike:

- Të ndryshohet vendndodhja e mbetjeve;
- Të bëhet e mundur vendosja e koshave të mbetjeve anash rrugës kryesore të Kryeziut sepse është domosdoshmëri dhe të shtohet një punonjës shërbimi në Kryezi, Njësia Administrative Qafë-Mali.
- Të ndërrohen koshat e mbetjeve ku janë të vjetëruar me të rinj.
- Të shtohet numri i koshave të mbetjeve.

SEKRETAR

Naze SELIMAJ





REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

LISTË-PREZENCË PËR PJESËMARRJE NË DËGJESË PUBLIKE ME TEMË:
“ DRAFTI I PLANIT VENDOR TË MENAXHIMIT TË MBETJEVE 2025-2030 PËR
BASHKINË FUSHË-ARRËZ ”

”

Nr.	Emër	Mbiemër	Njësia/Qyteti/Fshati	Pozicioni/Profesioni	Firma
1.	LULJETA	SOBA	BASHKIA FUSHË ARRËZ	Specialiste Auditi	
2.	Entela	Pepa	Bashkia Fushë-Arrëz	Përgj. Auditi	
3.	GJOLC	MIRIA	BASHKIA FUSHË-ARRËZ	IV MPK	
4.	DED	LLESHI	BASHKIA F. ARRËZ	SPECIALIST MENAXHIM	
5.	Zamir	Alija	B-Fushë-Arrëz	Përgj. Sektori Pyje	
6.	ARAMIL	DASA	B.FA	DREJTOR	
7.	Sidorela	Katroshi	B. F-A	Drejtoreshë	
8.	Gjolec	Nikollë		BASHKIA	
9.	Fatjana	Selimaj	B.FA	Drejtoreshë	
10.	YLBER	VOGARI	B - FA	INSEPKTOR	
11.	Aldi	Lepuri	B - FA	Specialist S. Juridike	
12.	Desoro	Topca	B - FA	Specialist Buremore Njerëz	
13.	Redona	Hasani	B-FA	Përgj. Juriste	
14.	Donika	Marku	B-F.	Ps - Gjy.	
15.	Blendi	Gjyellë	B-F	SP - QAS	



REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

LISTË-PREZENCË PËR PJESËMARRJE NË DËGJESË PUBLIKE ME TEMË:
“ DRAFTI I PLANIT VENDOR TË MENAXHIMIT TË MBETJEVE 2025-2030 PËR
BASHKINË FUSHË-ARRËZ ”

Nr.	Emër	Mbiemër	Njësia/Qyteti/Fshati	Pozicioni/Profesioni	Firma
1.	Yezire	Zepo	B. F. Arrës		
2.	Bardhe	Gjinaj	B. F. Arrës.		
3.	Mirela	Memaj	B. F. Arrës		
4.	Edlira	Pepaj	B. F. Arrës		
5.	Valentina	Tiroku	B. F. A.		
6.	Vitore	Prela	Bashkia F. A.		
7.	Lindito	Heshi	B. Fushë-Arrës	Specialiste	
8.	Valbona	Milla	B. F. A.		
9.	Pamela	Gjinaj	Shqiptar QSNVM	Kryetare	
10.	Mikel	Qafa	Non kryetar		
11.	Pashk	Oruçi	D.F.A	Ingj. Sharb	
12.	Filë	Heshi	Dyktor		
13.	Nexhmije	Katroshi	B. F-A Qytetare		
14.	Sobe	Lushaj	B. F-A Qytetare		
15.	ELNIN	Abdulla	Mikro		



REPUBLIKA E SHQIPËRISË
BASHKIA FUSHË-ARRËZ
KËSHILLI BASHKIAK

LISTË-PREZENCË PËR PJESËMARRJE NË DËGJESË PUBLIKE ME TEMË:
DRAFTI I PLANIT VENDOR TË VEPRIMIT PËR MIGRACIONIN DHE DIASPORËN
2025-2028, BASHKIA FUSHË-ARRËZ

Nr.	Emër	Mbiemër	Njësia/Qyteti/Fshati	Pozicioni/Profesioni	Firma
1.	Dod	Pepa	Qop-Meli	Ing. Lypch	
2.	Nikolin	Qaza	Fushë-Arrëz	P.P. Bashkiarë	
3.	Violeta	Vuraç	Fushë-Arrëz	INSP. P.B	
4.	Ehs	MIRIA	KRYE??	CRMUMST	
5.	Entela	Pepa	fushë - Arrëz	Përgj. Auditit	
6.	LULJETA	COBA	FUSHË-ARRËZ	Spec. Auditit	
7.	Age	Joba	Fushë-Arrëz	QSNNN	
8.	Migjela	Joroku	F-A	QSNNN	
9.	Jone	Mema	Fush - Arrëz	QSNNN	
10.	Age	Oyga	Fushë - Arrëz	Drejtorësh e	
11.	Heidita	Brachaj	F-Arrëz	Edukatore	
12.	Silvana	Gjergji	Kryezi	Edukatore	
13.	Edmonoka	Delia	F-Arrëz	Edukatore	
14.	Dalina	Curri	F.A.	QSNNN	
15.	Dalina	Prenga	F.A.	QSNNN	